

समा - 12:25 hrs.

<><><><><><>

Asia Cup Cricket

एशिया कप टी-20 क्रिकेट-2025 टूर्नामेंट दे खिताबी मुकाबले च भारत नै पाकिस्तान गी 5 विकेटें कन्नै रहाइयै 9मीं बारी एशिया कप दा खिताब अपने नां किता ऐ। पाकिस्तान दे 147 रन्ज दे लक्ष्य दे परते च भारत नै अपनी बारी दे शुरु च गै छड़े 20 रनजें उप्पर 3 विकेटां मोआई दिती दियां हियां। एहदे मगरा तिलक वर्मा ते Sanju Samson दी जोड़ी नै भारतीय पारी गी संभालेया Tilak Verma नै नाबाद नत्तर रनजे दी शानदार अर्ध-शतकीय पारी खेडुी शिवम दुबे नै 33 ते Sanju Samson नै 24 रनज बनाए।

राष्ट्रपति द्रौपदी मुर्मू होरें भारत दी इस शानदार जित्त लेई टीम इंडिया गी मुमारखबाद दिती ते भविष्य च इयै जनेईएं होर केंई शानदार कामयाबियें दा सिलसिला बरकरार रक्खने दी कामना कीती। प्रधानमंत्री नरेन्द्र मोदी होरें एशिया कप भारत-पाकिस्तान फाइनल दी तुलना ऑप्रेशन सिंदूर कन्नै कीती ते गलाया जे नतीजा ऊए रेया; भारत दी जित्त, एहदे लेई स्टाड़े खडारियें गी बधाई।

<><><><><><>

LG -Investors Meet

उपराज्यपाल मनोज सिन्हा होरें कठुआ जिले दे बसोहली च ICICI बैंक दे सहयोग कन्नै उद्योग ते बपार मैहकमे आसेया लोआए गेदे निवेशकें दे सम्मेलन “इन्वेस्टर्स मीट” गी सम्बोधित कीता। अपने मुख् भाषणै च एल.जी. होरें आखेया जे हाल च कीते गेदे ढांचागत विकास ते निवेशक हतैषी नीतियें दी बदोलत जम्मू-कश्मीर रासपूंजी लाने आहलें लेई उत्तर-भारत च इक आकर्षक थाहर बनी गेदा ऐ। केन्द्र शासत प्रदेश च आर्थिक विकास ते कम्म रोजगार दे मते-मते मौके पैदा करने दे केन्द्र सरकार दे पक्के धेइयै दा जिक्र करदे होई मनोज सिन्हा होरें आखेया जे इत्थै उद्योगें गी बड्डे पैमाने पर बढ़ावा देने गितै केन्द्री क्षेत्र दियें स्कीमें तैहत पैहलकदमियें गी विस्तार दिता गया ऐ।

<><><><><><>

LG- Basohli Utsav

जम्मू-कश्मीर कला, संस्कृति ते भाषाणं सरबंधी अकादमी जम्मू दे डिविजनल प्रशासन ते Indira Gandhi National Centre for Arts आस्सेया आयोजित “बसोहली उत्सव” दा उदघाटन उप-राज्यपाल मनोज सिन्हा होरें कठुआ जिले दी बसोहली थाहर कीता। इस मौके पर बोलदे होई उप-राज्यपाल होरें आक्खेया जे ओह “बसोहली उत्सव” गी कला-संस्कृति ते रिवायतें दे महाकुम्भ आहला लेखा दिक्खदे न। “बसोहली उत्सव” समाज दे हर वर्ग गी चेता दोआंदा ऐ जे भारत दी विशाल ते महान विरासत दे ओ वारिस न। उनें आक्खेया जे भारत दा आर्थिक विकास ते भारत दी संस्कृति-कला ते रिवायतें गी वैश्विक पंछान थोआ रदी ऐ। उपराज्यपाल होरें 5 प्रकाशन “लोक में राय” “रमायण की स्त्री-गाथा”-“राम का घर”-“राम की संजीवनी” ते “Tribes of Ramayana” जारी कीतियां।



Sewa Parv -Gatishakli

“सेवा पर्व” श्रृंखला तैहत अज्ज गल्ल पी.एम गतिशक्ति राष्ट्री मॉस्टर प्लान दी जेहदे राएं मुखें च ढांचागत विकास च इक क्रांतिकारी बदलाव आवै करदा ऐ। इस योजना तैहत विकास नै सदा थमां मती तेज रफ्तार फगड़ी लैती दी ऐ ते ढांचागत निर्माण दे क्षेत्र च नित नमियां उपलब्धियां हासल कीतियां जा करदियां न। एह मुखे दे इतिहास च पैहली बारी ऐ जे 57 मंत्रालय, 36 राज्य ते केन्द्र शासत प्रदेश सब्भै किट्टै रलियै इक्के डिजिटल मंच पर कम्म करा रदे न>



GST –Food Items

जी.एस.टी सुधारे दे बाद जित्थै हर श्रेणी दे उपभोक्ताएं दियें आसें-मेदें ते सुविधाएं दा ख्याल रखेया गेदा ऐ-उत्थे गै इन्दे शा लाह हासल करने आहलें मते खुश न। खाने-पीने दियां चीजां जियां पिज्जा- ब्रेड- खाखरा ते चपाती गी भलेया जी.एस.टी. मुक्त बनाई दिता ऐ- जिंदे पर पैहले 5 प्रतिशत साब्भै जी.एस.टी लगदा हा। इस्सै चाली पैहले 18 प्रतिशत जी.एस.टी दी श्रेणी आहले पराठा बी एहदे शा पूरी चाली मुक्त करी दिते गेन। इन्नै बड्डे पैमाने पर टैक्स कटोती दा मकसद साफ ऐ लोकें दी जेब पर टैक्सें कारण पौने आहले बोझ गी घट्ट करना। खाने-पीने आहले होर दुए समेयान जियां जे पैकट चटनियां- प्यूरी-पेस्टां-म्यूनी वगैरा जिंदे पर पैहले 12 प्रतिशत जी.एस.टी लगदा हा उसी घटाइयै हून 5 प्रतिशत करी दिता गया ऐ।



ECI –Observers

भारतीय चुनां आयोग मेद ऐ जे बिहार चुना दी घोषणा दे कन्नै जम्मू-कश्मीर दे नगरोंटा ते बडगाम विधानसभा हल्के दे उप चुनां दी घोषणा बी करै। इक अधिकारिक ब्यानै मूजब चुना आयोग नै विधान सभा दे उप चुना आस्तै केन्द्रीय निगराने दी तैनाती दी घोषणा कीती। चुना आयोग नै 470 अफसरें दी तैनाती दी घोषणा कीती ऐ। इसदा मकसद चुनाएं गी आजाद ते निरपक्ख ढंगै सिर करोआना ऐ।

<><><><><><>

Sheep Husbandary

सरकार आसेया करसानें ते भिडु पालकें दी भलाई-बेहतरी लेई रामबन जिले च मैहकमा भिडु पालन बड्डे पैमाने पर जागरुकता अभियान चला करदा ऐ। इनें कैम्पें दी मंशा भिडु पालन दे कम्मै च लग्गे दे लोकें गी बड्डे पैमाने पर जागरुक करना, भिडु दी नसल सुधार, उन्दे लेई डाक्टरी सेवा ते संगठित भिडु विकास योजनां जनेइयें स्कीमें दी असरदार अमलावरी गी यकीनी बनाना ऐ तां जे उन्दा मता-मता लाह भिडु पालक हासल करियै अपनी औंदन बधाई सकन ते इक बेहतरी जीन-जीने दे काबल बनी सकन। इस चाल्ली दियें गतिविधियें दा सरिस्ता ब्लाक, तहसील ते जिला सतह पर बी कराया जंदा ऐ।

<><><><><><>